

# 大日本史

五十八


第一百二十九卷 列傳  
 藤原冬緒 安倍貞行 在  
 原行平 藤原山陰  
 第一百三十卷 列傳  
 藤原保則 小野春風  
 第一百三十一卷 列傳  
 藤原良房 藤原基經

			二〇	和書門
一	五	〇	五五	
			三八	
冊	架	函	號	類

内閣文庫	
番號	和 20258
冊數	150( 58)
函號	138 105


架冊〇五  
六五冊和

内閣文庫		
三	二〇	和
八	〇二	書
函	一五	
二	〇五	
〇	〇八	
架	冊	號



大日本史卷之一百二十九

淺草文庫



大日本史卷之一百二十九

權中納言從三位源光圀下修

男權中納言從三位綱條平校

玄孫權中納言從三位治保重校

藤原冬緒

安倍貞行

在原行平

藤原山陰

大日本史卷之一百二十九

藤原冬緒參議麻呂曾孫父豐伴豐後守

豐

伴尊卑分脈作豐彦一代要記豐仲冬緒承和中為勘解由判

官除式部大丞補藏人公卿補任十四年授從五

位下為右少辨嘉祥中歷伊勢介續日本春後紀

宮亮仁壽齊衡間進左少辨從五位上為肥

後守文德實錄貞觀初入為右中辨帝始讀孝經

冬緒與大江音人侍之是歲敘從四位下尋

為太宰大貳歷彈正大弼右大辨兼勘解由

長官美濃權守十一年復為太宰大貳拜參

議十二年上書陳四事一曰凡軍旅之儲烽

燧尤切而數十年來國無機警雖有其備未

知調用若有非常何以通知今須下知管內

國島試舉烽燧彼此相通以備不虞若不言

其由恐驚動衆心望請下知事由依件調練

二曰比年之間公私雜人或陸或海深入遠

尋營求良馬出關之數凡千餘匹夫機急之

備馬尤為用而無賴之徒每歲搜取若有罄

乏如非常何今將施禁制翻致謗讟望請下

之如非常何今將施禁制翻致謗讟望請下

知豐前長門二國四年之間禁止出馬三日諸國雜米各隨其本色輸納諸司諸所而或諸司全納用盡或諸所多致未進公途有闕至有期會不得廻撥望請庸米雜米總納稅庫自非符宣不得輒用四曰穀倉院地子交易物比年間令監一人勾當其事每年交易輕物輸進因茲勾當之人年初請領直稻其後府司責其返抄而左右巧容不肯究進遂使不知之吏招放還之煩熟尋其由理不可

然凡一官之事官長所行縱有其人何患不濟而更置專當還致物煩望請當從停止府司一向交易奉進詔從之明年敘正四位下三代實錄尋遷民部卿十七年兼伊豫權守公卿補任帝讀史記詔冬緒特侍其席明年敘從三位三代實錄兼播磨權守公卿補任元慶中累表請致仕不許拜中納言敘正三位詔檢校河內和泉兩國遙攝其事頒下國司聽其處分數年轉大納言上表辭之不許尋兼彈正尹仁和三

年累請致仕、上表曰、臣懸車之期一過、歸宰  
之望彌深、叩重闈而未通、叫層昊而無聽、臣  
舊無耆老之德、猥居獻宣之官、少不如人、追  
感燭武之語、老而彌耄、猶恥趙孟之談、故流  
水不迴、空起歎於川上、漏箭已盡、豈犯罪於  
夜行、伏念祿俸者士之所貪求也、聖明者代  
之所希出也、臣以八十年之殘息、遇一千歲  
之惟新、方當惜此下春之景、圖彼上庠之榮、  
疲驂解駕、暫徘徊於層軒之前、涼燕辭巢、猶

栖遲於廣廈之下、而月制初迫、氣力不隨、心  
識之內、邈如河山、手足之間、遠同楚越、仰北  
闕而隔趨拜、望東岱而催歸魂、撫躬懷辱、兢  
兢於素餐之惶、揣分知歸、遑遑於青蒲之請、  
伏冀降油雲之澤、感匪石之祈、務帶彤闈、歸  
步素里、收龍章之妄寵、就芟服而待終、豈比  
掛冠都門、疏傳遺漢朝之榮貴、竊慕擊壤野  
外、逸老樂堯年之餘生、詔許之、三代實錄寬平二  
年薨、年八十二、公卿補任、一代要記、○按本  
書享年前後矛盾、今據補任

大日本史 卷一百二十九 列傳 三

大同三年戊子生及要記子灌木大學助卑尊  
元慶元年七十之文訂之

安倍貞行大納言安仁子也三代實錄仁壽中為

右衛門權佐檢非違使齊衡天安間轉左衛

門權佐為大和守文德實錄貞觀初任刑部大輔

為攝津守丁母憂解職詔起之十四年授正

五位下為陸奧守及拜辭引而升殿賜飲及

御衣明年奏曰爵祿之興為優功績然則授

敘之事當必其人而比年國司不依勞効任

意授爵由是預祿者眾調物減耗所司勘出

歷代不絕望請夷俘位階每年立敘法選有

功之胤隨年死之闕敘補二十人已下又曰

國中之政莫重收納然則分配之吏可勤其


事而任用之官未必其人或被誘郡司稅帳

納藁為稻或見賂富饒酋豪以虛為實須據

格旨必科其罪而偏貪俸料不畏有罪望請

奪致虛納欠損國司之公廨先補所欠然後

科責若欠物巨多公廨數少長官已下相共



填納元慶中敘從四位上任太宰大貳詣闕  
辭見賜御衣一襲拜舞而出親王公卿參侍  
仗下遮留貞行餞之以內藏錢一萬充圍碁  
賭物酣暢而罷先是少貳藤原房雄行警固  
事遷任肥後守無人勾當貞行奏請器仗烽  
候是長官之職然則警固有例何必別配勾  
當宜停少貳勾當府司隨宜處置又令筑後  
豐後兩國長官先經府司後聽入京若無府  
解不得輒發敕從之三代實錄

在原行平阿保親王第二子也初為諸王天  
長中阿保上表請子男賜姓行平兄弟賜姓  
在原朝臣三代實錄承和中補藏人公卿補任敘從五  
位下為侍從續日本後紀累遷右近衛少將齊衡  
中除因幡守天安元年為兵部大輔尋轉中  
務任左馬頭文德實錄貞觀中遷左兵衛督歷播  
磨信濃備前備中四國守敘正四位下任參  
議三代實錄備中為檢非違使別當左衛門  
督公卿補任補藏人頭參議補藏人頭是為始公卿補任

大日本書紀 卷一百三十九 列傳 五

補任藏人補任尋敘從三位任太宰權帥先是漕筑

前肥前等六國穀為對馬年糧年中漂沒者十之六七行平奏請停六國運漕發其民營壹伎水田為對馬年糧停壹伎年貢課之六國又肥前松浦郡庇羅值嘉二鄉產奇石香藥唐人來者多採之新羅人掠奪貢船者亦經此島行平奏請曰檢案内元有九國三島至于天長元年停多檝島隸大隅國是止貢鹿皮百領費三萬六千餘束稻之故也今此

二鄉地勢曠遠戶口殷阜又土產所出物多奇異而徒委郡司恣令聚歛彼土之民厭私求之苛切欲貢輸於公家總是國司難巡檢鄉長少權勢之所致也加之地居海中境隣異俗唐人新羅人來者本朝遣唐使等莫不經歷此島府頭人民申云去貞觀十一年新羅人掠奪貢船絹綿等其賊同經此島來以此觀之此地則當國之樞轄宜擇令長以慎防禦又人民等言唐人必先到此島多採香

大和木地 卷一百三十九 列傳



藥以加貨物、不令此間人民觀其物、且海濱多奇石、或鍛鍊得銀、或琢磨似玉、唐人取其石、不曉土人、以此言之、委不以其人之弊、大都如此、望請合二鄉、更建二郡、號上近下近、便為值嘉島、新置島司郡領、任土賦貢、但其俸料舉定正稅、公解之間、令兼任肥前國權官、公卿議奏曰、聖人濟世、以便物為先、明王馭民、以制宜為貴、今行平所請二條、欲省運漕之費、存任土之規、臣等高量、營水田充年

糧、事乖仍舊、謀合權宜、試許二年、先明息耗、合兩鄉為一島、苟謂利公、豈期膠柱、宜隨其所陳、允之、元慶中、兼治部卿、任中納言、敘正三位、遷兼民部卿、三代實錄上表辭曰、臣行平伏奉、今月九日詔旨、以臣為民部卿、恩暄冬日、懼切春冰、三省而慙、一身無厝、臣謹檢人民損益、倉庫盈虛、雖繫國吏之常憂、復關所司之明察、既往任此職者、皆是詳通政事、廣蹈吏途、僉曰之容、具瞻所屬而已、臣累佩銀魚、

久忍尸素、縱期粉骨、已無才智之可施、空叩  
丹心、唯有老病之相迫、上畏玄鑒、下愧蒼生、  
伏願陛下曲迴聖恩、罷臣所職、勿俾微臣為  
天工之盜、機要為閑曠之官、不許、三代實錄  
管家文草  
仁和初、兼陸奧出羽按察使、尋上表曰、臣聞  
年滿致仕、人臣之定節、職罷賜聽、人君之恒  
規、仰恒規於歸骸、行瞻自盡、知定節於止足、  
趨走何堪、臣誤藉時來、枉登華顯、寵光之榮、  
已極盛於生成、鴻霈之潤、甚深過於涯分、今

臣齡至七旬、位高三品、薄冰隨步、迷鐘鳴於  
夜行、玄鑒承顏、恐漏盡於陰罪、流汗於絳縣  
老、臣性愚蒙、同貌於白首郎、臣鬚霜雪、達名  
遂之時、行身退之道、臣本聞焉、當懸車之年、  
負竊位之責、臣所愧矣、伏願陛下養臣以罷  
所職、優臣以賜放歸、令老有所終、責得所塞、  
不勝悃欵之至、敕曰、卿松柏之貞、珪璋其德、  
憂國每形於顏色、愛君無惜其腎腸、而能屈  
伸有常、終始以道、謙謙援古人之義、汲汲興

大耋之嗟、雖知卿有懇誠、寧使朕無喉舌、卿其抑知止、絕遺榮、勉體虛懷、仍斷固請、魏陽元之就第、當卜後年、薛廣德之懸車、莫視今日、再表曰、臣行平言、中使左近衛少將藤原朝臣高藤至、伏奉教旨、不聽臣致任、抑遏臣乞身、綸綍出而成文、恩湛垂露、毫毛酬而無効、首戴高山、臣尸素尚矣、妄濫虞舜之官、老耄及焉、空忝王戎之任、焦思之憤已滿、將稅累於薄韋、噬臍之悔不休、願避路於振領、苟

守職之成達、更策名而何取、况臣負薪寄質、伏枕留魂、每歎蒲柳之委風、唯感葵藿之向日、誠切莊舄、欲表戀越之聲、苦同劉公、遂移卧漳之病、今陛下優臣、既以國士之分、臣訴陛下、豈以衆人之心、雖云跼蹐迷方、寒溫乖適、不忘奉身而退、猶甘量力而行、臣情見於辭、淚隨於汗、宸嚴鑒實、恩許罷官、詔不許、又上表曰、臣重累表章、反覆祈請、愚誠難達、聖瞳未回、適承宣喻、雖感亭育之仁、敢布腹心、

庶收號令之汗、臣留形於藥劑之中、託命於桑榆之際、老之云至、嗟呼命矣、況位望甚高、榮達之分有限、年毛已滿、危淺之生不常、當陛下晏食宵寐之勞、微臣不勝趨拜、願微臣尸位曠官之責、陛下必賜哀憐、臣匪席之誠、豈卷舌於殘喘、臣結草之念、將酬恩於枯骸、伏願陛下知臣赤心、察臣丹悃、褰冕旒於一日、勿奪宿志於匹夫、詔許之、三代實錄寬平五年薨、年七十六、公卿補任嘗奏創辨學院於左京三

條、西宮記拾芥鈔子遠瞻、右近衛將監、三代實錄友于、參

議、太宰權帥、公卿補任藤原山陰、左大臣、魚名玄孫、尊卑分脈父高房、越

前守、山陰、齊衡、天安間、歷左馬大允、右近衛

權將監、補藏人、敘從五位下、為備後權介、公卿補任貞觀中、遷右近衛權少將、三代實錄復補藏人、

兼美濃守、尋敘從四位下、三代實錄擢藏人

頭、公卿補任兼右近衛權中將、及陽成帝立、奉仕

太上皇、上表請賜本品秩、罷中將、不許、元慶

天皇、上表請賜本品秩、罷中將、不許、元慶

天皇、上表請賜本品秩、罷中將、不許、元慶

天皇、上表請賜本品秩、罷中將、不許、元慶

元年上表曰姑山之下既非多士之林魏闕  
之前自是羣材之府仍辭帝闈請奉仙闈而  
人願至切天從未彰伏願天恩假以殊貸停  
臣中禁心屯之將終臣外州四年之秩則上  
有成功之慈不無忘恩之累詔許之為右大  
辨奏辭不許三年又請解職不許尋拜參議  
及檢校諸國班田山陰領攝津遙攝其事仁  
和二年敘從三位任中納言兼民部卿三代實錄  
四年薨年六十五云卿補任山陰建祠於吉

田以祭春日明神至今崇奉相繼大鏡世傳山

陰能割魚鳥時人稱得庖丁術藤原系圖子有賴

從五位下但馬守公利從四位下但馬權守


遂長從五位下主殿頭言行正五位下左近

衛將監兼三從四位下陸奧守仲正從四位

上左京大夫攝津守僧如無大僧都尊卑分脈持

律精苦穎敏過人宇多法皇酷重之源平盛衰記○

十訓鈔曰山陰赴筑紫見漁者捕龜將殺之  
憫而買之放去後攜嬰兒浮海妻惡非已出  
與乳母謀為誤失手墮海頃之一大龜負兒  
而出得不得死所謂兒即如無也盛衰記亦載




此事為所生母嘗如無子在衡自有傳

放龜與此少異  
藤原保則  
權中納言從三位源光圀  
權中納言從三位綱條  
權中納言從三位源光圀  
權中納言從三位綱條  
權中納言從三位源光圀  
權中納言從三位綱條

大日本史卷之一百二十九終

藤原保則  
權中納言從三位源光圀  
權中納言從三位綱條  
權中納言從三位源光圀  
權中納言從三位綱條  
權中納言從三位源光圀  
權中納言從三位綱條



觀初轉兵部大丞遷式部少丞公卿補任八年敘

從五位下為備中權介三代實錄先是亢旱飢饉

道殣相望羣盜公行邑里蕭條英賀哲多二

郡在山谷間去府稍遠郡民或劫掠相殺或

逋租逃散境內丘墟無有單丁前守朝野貞

吉為治苛酷郡司有小罪者皆著鉗鈇人民

犯纖毫者捕案殺之囚徒充獄僵尸塞路保

則到任之初施以寬政宥小過存大體放散

徒隸綏撫賑恤勸農桑禁遊費於是百姓襁

負來附如歸田園盡闢戶口殷阜門不夜扃

賦稅倍入遂受租稅返抄三十四年受調庸

返抄十一年自古以來未嘗有此類也十三

年以勞敘從五位上三善清行所著保則傳任備中守

公卿補任○按保則傳云即遷備前介據下文公在備前一如在備中補任所記是也今

從十六年轉備前權守政績一如在備中凡

厥僚下若有姦伏不加發擿竊語之云君久

疲學宦初得此官必當立廉節勉取榮譽豈

可滯一州小吏乎然而上養父母下給妻子

撓性屈心、受此濁穢、是皆貧窶之憂、羈累善人、僕有薄俸、隨君所須、以資之、謹勿犯官物、卽分與其俸、於是風化大行、吏民畏愛、號曰父母、備前備中界上有吉備津彥神、國有水旱、則躬往禱之、必致感應、若境中有姦者、神必罰之、神嘗見形語云、感公德化、冀助公爲治、終此善績、由是治化兩國、年荐豐穰、百姓和樂、時安藝盜憑險劫、備後調絹而逃、過備前石梨郡、問逆旅主人曰、此國太守政績何

似、對云、府君化民專用仁義、一國之人盡爲廉潔、恩信之感、自通神明、故國有姦盜者、吉備津彥神立降誅罰、具語及其治化本末、盜色大變、終夜歎息不寢、向曉馳詣府門、叩頭自首云、小民無狀、略奪備後官絹四十匹、改過服罪、願賜生命、保則召盜語曰、汝知向善、終非惡人、卽與米糧、封贓絹付盜、移備後僚下皆云、姦盜恐不達彼國、保則曰、彼旣改心歸誠、豈更有變乎、盜得移文、遂送備後、守小



野喬查怪且喜，即放盜，自詣備前拜謝。其以德感人，皆此類也。十七年，秩滿歸京，兩備之民悲號遮路，戴白者各捧酒肴，拜伏道左。保則謂老人之心不可違，為之留連數日。相次競至，不可遏止。保則乃竊乘小船而去。有從者未到者，暫泊和氣郡方上津，備前郡司等聞其無糧儲，漕白米二百石至泊處。保則感其志，受之不辭。郡司等意此人過廉，必不受。及聞此報，大悅。頃之，保則與國講讀師書曰：

舟中頻有怪，風浪叵測。望率僧徒來會津頭，以禱海行。講讀師率國分僧至，保則語曰：願諸僧各誦般若心經一遍足矣。即以米悉與之。夜中舉帆而去。十八年，任右衛門權佐，兼檢非違使。保則語所親曰：昔者帝堯之民，比屋而封之。時臯陶以大賢為獄官，若有疑罪，則令獬豸決之。豈有枉濫之罪？保則傳（）按本書此下脫關無所尋為民部大輔。明年轉右中辨。公卿補任元慶二年，出羽夷叛，燒秋田城。出羽守藤原

與世戰數不利、三代實錄右大臣基經密召保則、

命招討之任、保則辭曰、非敢愛惜微軀、恐貽

朝廷之耻、基經曰、自天智天皇時、藤氏世立

勳績、朝所倚賴、方今身非伊周、忝攝冢宰、遭

此寇亂、內慙外懼、瓜葛之義、君亦可悉、願盡

智謀、勿爲飾讓、保則曰、必不得已、可用愚計

者、冀露肝膽、無有所隱、恐殿下不能用耳、基

經迺推誠問計、保則曰、蝦夷內附以來、漸二

百年、畏服朝威、無有寇逆、如聞秋田城司良

岑、近者聚斂、無厭徵求、萬端故壘、怨積怒以

致反叛、夷種衆多、遂相合從、賊徒數萬、窮寇

死戰、一以當百、難與爭鋒、如今之事者、雖坂

將軍再生、不能蕩平、若教以義方、示以威信、

播我德音、變彼野心、不用尺兵、大寇自平、基

經曰、善、保則曰、今雖以恩信化之、而醜類衆

多、猶有不馴服者、可以兵威臨之、前左近衛

將監小野春風、累代將家、驍勇軼人、前年頻

遭讒謗、免官家居、願先令春風率精兵、示以

朝廷之威信，然後以德招致，不歷數月，自應  
 銷散。基經大悅，加保則正五位下，即以右中  
 辨兼出羽權守，擢春風為鎮守將軍，及陸奧  
 介坂上好蔭，皆受保則節度。保則左衛門權  
 少尉清原令望為權掾，右近衛將曹茨田貞  
 額為權大目，並帶本官，以討叛夷，乃敕出羽  
 國司曰：近日夷虜凶逆，殘害不止，仍以保則  
 任彼國權守，宜從指麾，勿失警備。三代保則  
 奉詔進發，晝夜兼行，道遇飛驒，相繼報夷虜

強盛，官軍屢敗，城堡失守，羣隊陷沒之狀，從  
 騎十餘人，皆無不褫魂奪氣，而保則容色不  
 變，略無畏憚之意。保則既而到出羽，遣權掾  
 文室有房、清原令望、上野押領使權大掾南  
 淵秋鄉等，率上野見到兵六百餘，屯秋田河  
 南，拒賊於河北。時秋田城下上津野火內相  
 淵等十二村，為賊所據有，添河霸別助川三  
 村夷俘歸順之地也，即令三村俘囚並良民  
 三百餘人，拒賊於添河，次攻雄勝，後將侵府

雄勝城承十道之大衝、最爲要害、仍遣左馬權大允藤原滋實、及茨田貞額等、以雄勝平鹿山本三郡不動穀、給郡內及添河霸別助川三村俘囚、慰喻其心、勉勵之、俘囚深江禰加止、玉作正月麻呂等、感其恩賚、誘三村俘囚二百餘人、夜襲殺賊八十人、燒其糧食舍宅、邊民聲言、津輕夷狄與出羽賊同謀、或云不同、保則以爲若不同、則上野軍足以討滅之、若同則雖大兵臨之、難可輒制、上野下野

陸奧三國軍士總四千人、其陸奧軍先旣亡歸、上野軍且來、六百人、下野軍雖入界、未知強弱、津輕夷俘、其黨多種、不知幾千人、天性勇悍、慣習戰鬥、若速逆賊、其鋒難當、乃奏請常陸武藏兩國軍合二千入、以戒備、非常廷議、敕符曰、以夷狄攻夷狄、中國之利也、今覽來奏、給官米穀於雄勝郡俘囚、多破賊徒、此計之上者也、亦省來奏、津輕夷虜、天性麤獷、若速凶類、實爲難制、塞下流言、南北異口、或

林田村姓  
卷一百三十一  
五  
七  
云既同或云未同請發常陸武藏等兵以備  
非常今如奏狀同否未審若果不同者所率  
見兵可得摧破加之小野朝臣春風坂上大  
宿禰好蔭等各領精兵宜待軍到振其威武  
但豫敕諸國簡勇敢士若有危急馳傳上奏  
隨卽差發赴救不晚務運奇策繫其狂心八  
月敕曰重省來奏曲折具之策用奇正兵家  
所貴今募俘虜多殲醜類雖是夷人慕義之  
至切抑亦國宰撫馭之得方臨機之略實當

如此其能仁法天等忠誠頻著聞而嘉之克

遂功績不亦美乎

○按能仁法天蓋歸欵夷  
俘之名而事迹無所考

且春風好蔭等取陸奧路入上津野村與兩  
國兵夾攻首尾今如來奏已得要略兵術雖  
多制勝爲先左之右之隨宜禽賊窮其巢窟  
勿令逋脫仍送絲帛一百四十匹於出羽班  
給俘囚又令越中越後二國送米各一千斛  
以充軍糧九月敕曰所以遣春風等發精兵  
者爲赴彼國之急而今來奏以爲賊氣已衰

官軍思奮重之迎軍運糧爲煩不細因茲論  
之春風等之前却在彼國之強弱耳量勢施  
計不得遙度若當國之力足以制賊者移告  
而返之不必迎引且津輕渡島俘囚等所請  
之事以夷擊夷古之上計但野心難馴動靜  
易變偶生他意後恐難制宜量事勢隨便進  
止至于饗會狄俘非事之急若殄盡賊徒勞  
賜不晚今舉城燒亡無處會聚但拔有功者  
加其賞賜足以勸勵戎士何必大饗更致騷

擾乎且其殺獲生禽頗知破賊彌以勸勵速  
成大功州書頻奏驛使屢馳務施平寇之策  
勿以稽延歲月先是賊三百餘人來秋田城  
下請見僚佐乞降文室有房藤原滋實單騎  
直到賊所受其降是日權介坂上好蔭率兵  
二千人自流霞道至秋田營鼓譟而來盛建  
旗幟大觀威武既而鎮守將軍小野春風率  
兵四百七十人至秋田營北宣言春風銜詔  
先入上津野教喻賊類皆令降服於是賊酋

七人相從而來保則揣其形勢知有降志然  
義從俘囚相謂曰歸歎國家賊各所怨若不  
殄滅後必相報仇家多種豈得不懼加之乞  
降者其體踈慢不協舊例保則奏狀取決十  
月敕曰夫兵凶戰危先哲炳戒事不獲已乃  
用之耳今逆虜悔過請欲歸順其於容許有  
何不韙但古之降者去其甲兵面縛待命裁  
得制其死生然後可謂降伏歸降之法若同  
舊制可速容受若懷兩端言與事異奮我兵

威一舉誅滅義從俘囚之言不可不反覆觀  
德耀兵隨機可施慎莫信其虛詭貽哂於後  
十二月降賊進所掠奪甲二十二領言曰皆  
悉截破稱身約裁一無全者加之賊類或入  
奧地或所居隔遠所遺甲冑搜求追進於是  
清原令望藤原滋實茨田貞額等議曰今乞  
降之賊二百人所進之甲二十有餘賊多甲  
少野心難測疑是矯飾須待後進計納小野  
春風議曰春風自入賊地具知逆類悔過之

心、今亦蒙犯霜雪、乞降懇切、若懷疑慮、抑而不納、猶去逸就勞、非所以樂成、保則以為、令望之議、雖有理、春風之謀、非無權、遂加慰納、奏其狀、又奏渡島夷酋百三人、率種類三千人、詣秋田城、與津輕俘囚不連賊者百餘人、同歸聖化、若不勞賜、恐生怨恚、由是遣權介藤原統行、權掾文室有房、及令望滋實貞額等勞饗、三代實錄初春風至秋田營、挺身入虜軍、具宣朝命、如保則意、於是夷虜叩頭拜謝云、

異時秋田城司、貪慾暴獷、谿壑難填、若毫毛不恊其求者、楚毒立施、故不堪苛政、遂作叛逆、今將軍幸以天子恩命而詔之、願改迷途、歸幕府、乃競以酒食饗官軍、豪長數十人相率隨春風至出羽國府、保則召見慰撫、時有渠帥二人、不肯歸附、保則語諸豪長、二虜不來、汝意如何、皆云、殊自有謀、願暫垂寬假、後數日、斬兩夷首以獻之、保則即發使撫納餘種、自津輕至渡島、雜種夷人、前代未曾歸附、



者皆盡內屬保則復立秋田城壘柵樓塹皆  
 倍舊制保則三年改權守為真保則傳然右  
 中辨如故保則三月驛奏曰征戰之弊非只  
 一途案去延曆年中所下當道陣圖以兵萬  
 三千六百人為一軍分作三軍輜重八百人  
 擔夫二十人而今上野下野兩國之軍千六  
 百人輜重擔夫二千餘人好蔭所率之兵五  
 百人輜重擔夫千餘人因茲言之多違舊例  
 中國之軍去年七月到著陸與之兵九月入

來會合參差整頓有妨或臨陣難列或聽鼓  
 易迷皆是忘戰日久習之令然也國內黎民  
 苦于苛政三分之一逃入奧地所遺之民承  
 數年之弊無自存之方况軍興以來運轉軍  
 糧去今兩年少時不息無用之卒騷動部內  
 待救之處還致巨害管最上郡道路嶮絕大  
 河流急中國之軍路必經此迎送之煩不可  
 勝計今重請大兵將討降虜國弊民窮難可  
 克堪若慰撫部內之窮卒檢出奧地之逃民

留中國之甲冑、選當土之例兵、則降虜雖反、不足復畏、因此變亂、不窮誅戮、恐綏御如失、邊難不絕、更發大軍、撲滅無燼、國家之長策、天下之上計也、臣等不敢專決、持疑於懷、進退之間、謹佇天策、詔令土野下野兩國在軍甲冑器仗留付出羽、六月又驛奏曰、臣保則等行事相違、兵威未振、適降恩詔、暫罷征討、逆類再生、平民復業、但臣等以為夷狄之性、強弱難測、朝為輕寇、夕甘重戮、縱請降之後、

如有小變、臣等恐偏慮存國、還陷罪戾、望更

賜天使檢察其事、

三代實錄

出羽民夷雜居、田地

膏腴多產珍貨、豪吏兼并、私增租稅、恣加徭賦、權門子弟、年來求鷹馬、無有紀極、邊民愚朴、唯隨其求、不知所訴、由是編氓貧窮、姦猾多致富溢、保則嚴張憲法、有不法者、捕而案之、百姓安堵、邊庭清平、時陸奧夷虜有訟、皆至出羽取決、初保則在兩備、專以仁惠化之、及治出羽、嚴以理之、吏民有罪、無復所宥、四

年四月召入京、在朝卿相皆稱其勲績、保則辭謝云、此皆朝威之所致、非愚略之有施、是時天下皆以為保則不勞一卒、平定大寇、朝廷必當賞其殊勲、而以其辭讓、遂無優崇之制、良岑近貪婪致此寇亂、而亦無懲惡之典、由是眾議多譏基經、失刑賞、保則性樂靜默、不好劇務、屢陳基經固辭辨官、五年任播磨守、○本書係四年、今從公卿補任、辭不赴、六年進從四位下、保則曰、年既老矣、當修功德

為真資、我聞讚岐多紙、又有能書者、當赴彼

國、書寫修多羅阿毗曇等、請為讚岐守、○公補

任為兼讚岐權守國民皆學法律、動成爭訟、自保則

入境、人皆知廉恥、風俗大改、秩滿歸京、居西


山別墅、無復出仕之志、仁和三年任伊豫守、

辭不赴、除太宰大貳、進從四位上、保則頻稱

病不肯就職、朝廷屢加慰喻、強以發遣、保則

在鎮府、政尚清靜、吏民感服、令行禁止、先是

姦猾猥聚鎮西、筑前筑後肥前三國、尤為羣



盜之藪澤、人有蓄積者、皆為殺略、鄉閭騷擾、  
 道路隔絕、府官及國司發兵捕殺、不能禁止、  
 保則莅鎮、皆云宜多發軍士、悉誅鋤之、保則  
 曰、吾聞渠帥率非編戶之民、或良家子弟、或  
 舊吏僕從、逐衣食之利、取婚姻之便、寓居邊  
 城、猶如桑梓、而比年不稔、生產失利、無賴之  
 輩、同惡相濟、國民赴之、大半為盜、今悉捕而  
 殺之、則里落之內、聞然無人、縱有隣國之警、  
 誰人城守乎、此輩未必懷凶狡之心、多是為

饑寒逼迫而已、若施以恩惠、自應食榘改音、  
 即以其俸米賑贍三國、深加慰撫、賊徒大悅、  
 相語曰、府君以父母之情遇我、我豈不盡孝  
 子之志乎、相率改行、寬平三年、召為左大辨、  
 保則傳○本書此下有公被召入京之後、未  
 歷數月、太宰府上奏之文、然文字殘缺、無所  
 考正、今尋任參議、兼近江權守、遷兼民部卿、  
 七年卒、年七十一、公卿補任、保則天性廉潔、以身  
 化物、僚下有貪穢者、推誠教誨、若終不悛、不  
 與之接言語、見其有一善、則喜見顏色、常稱

譽推舉助成其美。又有知人之鑒，嘗在備中。小野葛絃年少為掾，保則稱曰：必當為天下循良之吏。又在讚岐時，菅原道真代為守，保則竊語曰：新太守當今碩儒，非吾所測知。但見其志，恐非明哲保身之士。後皆如其言。年未五十，不近婦人，潛心佛教，尤熟空觀，常誦金剛般若經，未嘗退倦。撰集諸家義疏，以為一部，究討其義，莫不該通。自未有疾，忽語人曰：死期既兆，何可終身於塵勞中乎？營一室

於叡山東坂，薙髮為僧，晝夜念佛名，數月而

逝。保則傳子清貫，昌泰延喜間累歷顯職，至正

三位大納言，兼皇太子傅。公卿補任延長八年震

死於清涼殿，年六十四。公卿補任扶桑略紀

小野春風，從五位上石雄子也。三代實錄累世將

家，驍勇超人。保則傳貞觀十二年敘從五位下，

補對馬守，奏請二事：一曰軍旅之儲，唯在介

曹，介曹雖薄，助以保侶，請以調布縫造保侶

衣千領，以備不虞。二曰軍興不虞，倍日兼行，

轉餉易絕、輜重難給、請以調布縫造納糒帶  
 袋千枚、而令士卒帶之、以為急速之用、敕許  
 之、以太宰府庫布造之、是月遷肥前權介、春  
 風兄春枝為陸奧權守、春風奏曰、往歲臣故  
 父石雄家有羊革甲牛革甲各一領、弘仁中  
 在陸奧、被其甲討平夷賊、厥後兄春枝進之  
 官、願賜羊革甲、以備緩急、歸京之日、宜速納  
 官、許之、以牛革甲給春枝、三代實錄稍遷為左近  
 衛將監、被讒免官家居、保則傳元慶二年出羽

夷反、守藤原興世戰屢敗、三代實錄藤原保則薦

春風於攝政基經、保則傳擢為陸奧鎮守將軍、

賜甲冑一具、與權介坂上好蔭、星夜進發、先  
 入陸奧、各將精兵五百人救之、又敕須依格

分付受領、而率將軍兵、向出羽國、宜令前將  
 軍安倍比高、准見任例、暫行府政、既而春風

至陸奧、保則遣出羽權掾小野春泉於鎮守  
 府議軍事、未至、春風率兵四百餘、取陸奧路

入上津野、宣諭恩詔、賊徒悉降、九月從上津

野至秋田營三代實錄春風少在邊塞能曉夷語

脫甲釋兵獨入虜軍具宣朝命保則傳於是夷

虜大服奉書乞降賊酋七人相從而降明年

六月引軍還仁和中敘從五位上至大膳大

夫攝津權守三代實錄為左衛門權佐政事要略古今和歌

集目錄兼檢非違使時朝廷禁衣服用深紅色

參議源光嘗著深紅襖子而出春風一見直

進跪光後請割其衣光默然歸第褫去不敢

復服用論者躡之政事要略寬平二年遷右近衛

少將陸奧權守兼讚岐權守昌泰初至正五

位下古今和歌集目錄

大日本史卷之一百三十終

大日本史卷之一百三十一  
列傳第十一  
藤原基經  
子仲平  
孫濟時  
忠平  
藤原良房  
左大臣冬嗣第二子也  
大風韻俊  
拔弱冠以選尚嵯峨皇女源潔姬  
實錄  
天長

大日本史卷之一百三十一

列傳第五十八

權中納言從三位源光圀

權中納言從三位綱條

權中納言從三位治保

重校

藤原良房

左大臣冬嗣第二子也

大風韻俊

拔弱冠以選尚嵯峨皇女源潔姬

實錄 天長



大日本書紀 卷一百一十一 百一十一

中補藏人授從五位下公卿補任累遷任左近衛

權中將進從四位下承和中任參議敘從三

位遷權中納言兼陸奧出羽按察使尋兼右

近衛大將轉大納言兼民部卿上表請解兼

職不許嘉祥元年拜右大臣辭之表再上不

聽又表請減封戶之半不聽明年敘從二位

續日本後紀仁壽齊衡間進正二位遷兼左近衛

大將文德實錄監修國史續日本後紀天安元年

拜太政大臣固辭表三上不允賜寶劍一雙

曰公宜佩此劍副朕懇情莫使蕭何獨擅美

漢家賜安車入朝固辭不受又表辭加封職

田資人帶刀等許之尋進從一位文德實錄及清

和帝即位賜帶刀資人三十人公卿補任貞

觀初請減祿辭資人帶刀許之封戶准左右

大臣五年賜宴內殿賀六十算賜賚每物皆

用六數明年帝幸漆殿花亭良房召文人賦

詩宴樂終日又御射場帝親射一發中鵠羣

臣稱萬歲良房欲帝知稼穡之艱難使山城

大日本書紀 卷一百一十一 百一十一

國司紀今守帥郡司百姓等行耕田之禮八

年敕攝行萬機○大鏡曰是良房上表固辭

敕曰廼者災異荐臻內外騷然須賴公助理

不許三代實錄十一年上續日本後紀本書先是

太政大臣封三千戶賜隨身資人及良房居

位固讓不當唯受千戶十三年再敕益封三

千戶准三宮給年官○按公卿補任大鏡裏

房攝政准三宮給年官年賜內舍人二人左

右近衛各六人為隨兵及給帶仗資人三十

人良房又上表辭之不允固讓受二千戶敕

賜直廬於禁中十四年病篤詔曰酌訓皇源

淘風帝籙未有不施厚恩以崇盛德降殊貸

以慰元功者朕外祖父太政大臣藤原朝臣

功高三代位極上台仁襟被九州而有餘德

水霑千里而無盡自朕在襁緥以至今時言

其顧復保佐之勲豈以周且漢光為伍朕念

不賞之功將加非常之寵知其至謙之性不

敢開口而言聊且欲縻爵加封以酬萬一而

損挹彌深、遜讓尤切、感夫乃情、不忍相忤、朕  
 之庶幾、賴彼撝謙之誠、增其延壽之福、長生  
 久視、輔導朕身、令若倚南山坐平原也、是以  
 屈己從人、不奪其志、恐天下以朕為不知恩  
 也、而今寢瘵私第、日月彌留、珪幣相尋、祈禱  
 未効、朕自鍾此患、寢食無安、心隨思焦、言與  
 淚俱、深慮救復之方、誠無所不到矣、聞諸內  
 經、度人歸道之功、能救人之厄命、又先王德  
 政、議獄緩刑、矜老養孤、施斯仁貸、副朕篤情、

縱令病在膏肓、幸使鍼藥得力、宜賜度者八

十人、又大赦天下、以救其疾、九月薨于東一

條第、三代實錄、東一條年六十九、大鏡裏書、

日本紀略、帝為輟朝三日、公卿補任、贈正一位、封

美濃公、謚忠仁、食封資人、並如生時、基經稱

良房遺命、上表辭食封、因敕給位封國封、以

其愛宕墓、列荷前例幣之數、三代實錄、世稱染殿

大臣、或稱白河殿、公卿補任、大鏡、元慶中詔置守冢

一戶、三代實錄、女明子、潔姬所生也、入文德宮、生

清和帝、帝生而九閱月、立為儲貳、文德帝素  
 愛惟喬親王、以東宮尚幼、欲先立惟喬、待其  
 長而傳位、然憚良房未決、大鏡裏書帝崩、良房輔  
 立幼主、綜理朝政、初清和帝生育于良房第、  
 及登極、念其舊恩、親任尊寵、始終不渝、攝行  
 萬機、前後十五年、位極人臣、權歸其家、據三代實  
錄子孫相繼為攝關、藤氏之昌大、實基于此、  
大鏡無子、以兄長良子基經為後、藤原系圖  
 藤原基經、小名手古、大鏡裏書仁壽元年冠于東

宮內寢、帝親臨之、公卿補任、尊卑敘正六位  
 上、文德實錄齊衡、天安間、歷左兵衛少尉、少納言  
 左近衛權少將、補藏人頭、貞觀中、轉中將、為  
 參議、三代實錄、左兵衛少尉伴善男之誣源  
 信也、藤原良相信之、命基經收信、基經意其  
 有奸、告之良房、良房營救甚力、信遂獲免罪、  
大鏡裏書是歲進從三位、拜中納言、三代實錄明年特  
 敕兼左近衛中將、公卿補任桑陞大將、兼陸奧出  
 羽按察使、十二年轉大納言、敘從二位、十四

年拜右大臣、陽成帝即位、年尚幼、令基經攝政、如忠仁公故事、元慶元年、辭大將、帝使大納言南淵年名賣表、白太上皇、太上皇敕曰、萬機之寄、不可限以一職、宜從其請、然腰底忽空、武備茲闕、願特賜帶劍、嚴其儀容、乃出金銀裝寶劍一口、授年名、帝即日賜基經、罷大將、秋以旱乞罷攝政、優詔不許、二年、敘正二位、賜隨身兵仗、以蝦夷擾邊、辭、又不許、四年拜太政大臣、○按、公卿補任、愚管鈔、大鏡裏書、一代要記、並云、十一月

八日、基經政攝、政為關白、今以明年敘從一代實錄、無關白之文、不取、

位、退居里第、累表辭職、不許、至是、公務有所壅滯、公卿胥議、使辨大夫就直廬取決、後遂為故事、帝加元服、上表歸政、不聽、增給職封職田、資人雜俸、辭不受、特敕任人給爵、准三宮、如忠仁公故事、三代實錄及帝稍長、昏狂日甚、作廐禁中、飼馬三十匹、號北邊院、三代實錄、參取江談鈔、右馬少允小野清如、以善養馬被寵、權少屬、紀正直好道術、出入禁中、蔭子藤原公門

侍奉階下常被驅策而清如最多不法基經

悉逐之三代實錄帝猶不悛捕蛙捉蛇或鬪犬猿

令人升木而搥殺之世繼物語祈年祭前手刃人

玉海承安二年基經深憂之欲行廢立廢太子恒貞

素有賢行基經心欲立之乃微見其意恒貞

拒而不納恒貞傳更求諸皇子無可者古事談

繼物語初時康親王赴良房大饗奉膳者遺尊

者雉足遽取供親王者羞之親王神色不渝

滅燭掩跡基經適見之深服其雅量從是常

屬意大鏡至此詰其第通謁久之出見進止安

詳被服雅素徐曰何故見過基經以為有人

君度世繼物語因陳推戴之意親王許之

乃刻日而歸既而入宮佯奏曰臣將使競馬

請臨觀之帝悅曰期在何日曰後二日世繼物語

大計已定會公卿告之衆論紛紜左大臣源

融曰求宗室之胄融等尚在基經曰固也然

自古未有賜姓為臣而登天位者大鏡古參

議藤原諸葛按劔叱曰今日之事不依太政

大臣處分者斬、羣議乃定。

玉海承安二年

及期使老

羸不堪事者從駕、至陽成院、奏曰、陛下狂虐、

君德有闕、臣等為社稷計、遷乘輿於此、帝聞

而大驚、號叫悲悔、基經率百官迎立時康親

王、是為光孝帝。

世繼物語

帝即位、念定策之勲、禮

遇愈渥、聽駕輦車出入宮中、敕諸道博士、勘

奏太政大臣職掌、基經益抱謙挹、屢求避位、

帝特降敕、萬機仍舊、先稟基經、而後奏下、尋

請使源融源多代已秉政、不許。三代實錄仁和元

年、圖年中行事於障子、獻之。

年中行事鈔

賜攝津

為奈野為遊獵地、是歲敕許節會、不就班、而

直昇殿、又賜宴內殿、賀其壽五十、張樂徹曉、

賜馬五匹、冬夏衣各五襲、卧具屏風、又為度

僧五十人、

三代實錄

帝多皇子、然憚基經、未言所

立、三年不豫、基經入卧內、奏曰、陛下萬歲之

後、神器將付阿誰、帝曰、唯公所擇、基經曰、以

臣所見、其惟王侍從乎、王侍從者定省也、帝

大喜、召定省、右執其手、左執基經手、泣曰、大

臣勲勞莫大、汝謹勿忘、愚管基經出率百僚

上表、請立皇太子、遂立定省為儲貳、帝崩、三代

寶錄太子即位、是為宇多帝、即日手詔宣遺教、

褒夾輔之功、扶桑略記尋詔百官、萬機巨細、皆關

白太政大臣、而後奏下、政事要略扶桑一如

故事、政事要略關白始于此、濫觴基經上表

乞歸政、不許、詔曰、社稷之臣、非朕之臣、宜以

阿衡之任、為卿之任、左大辨橘廣相筆也、時

疑阿衡之任、眾議紛然、政事要略藤原佐世

故謂基經曰、阿衡無典職、何得關白庶務、遂

不示官奏、○十訓鈔曰、或告基經曰、公豈罷

然、則我聞人而已、何用之、事聞、帝令諸博士

為、命放厩馬、附以備考、勘阿衡職掌、北山中原月雄善淵愛成等皆

言、阿衡者三公也、坐而論道耳、基經奏曰、國

家之事、一日萬機、而自去年八月迄于今日、

未奏太政官所申之政、臣伏奉去年十一月

二十一日詔書、萬機巨細、關白於臣、上表辭

謝、不敢曰當、又奉同年閏十一月二十七日



勅旨宜以阿衡之任爲汝之任臣未知阿衡之任仍持疑久矣伏聞左大臣令明經博士等勘申云阿衡之任可無典職以其無典職知阿衡之爲貴以臣比擬非所克堪抑至于無分職暗合臣願伏請早仰執奏之官莫令萬機壅滯於是紀長谷雄三善清行與佐世評論官制沿革曰殷世阿衡卽周官三公三公無典職經史有明文不可復疑帝令廣相佐世月雄廷議左大臣源融判之佐世欲堅

執前議融依違不能裁斷節適盛暑帝頗厭倦公卿憚基經皆稱病罷去時機務壅滯既久諸司抱憂帝遣融就基經第依前詔而行機務基經曰阿衡職掌其議未決臣不能奉明詔融還奏帝不悅融曰太政大臣久不聽政可患也請改後詔文不然恐有不測之事帝不得已遂宣詔百官曰太政大臣援立先帝保護朕躬功大德高遠超周霍累代聖明猶仰輔弼矧朕小子何不倚賴故去年下詔

關白萬機而大臣上表堅執間退之志朕欲  
庶事仍舊關白于大臣而左大辨橘廣相草  
詔失朕本意遂令大臣持疑不肯視事天下  
之務盡皆壅滯自今以後應奏之事應下之  
事必先諮稟太政大臣朕將垂拱而仰成管  
原道真亦贈書解喻基經遂奉詔政事要略寬平  
元年聽乘腰輿公卿補任紀腰輿作輦車誤皇二年疾  
帝將臨視固辭乃止及困篤乞解職優詔允  
之賜度者免罪囚以禳之菅家文草明年薨年五

十六輟朝三日贈正一位封越前公謚昭宣

公卿補任食封資人并如生時愚管鈔歷代皇紀置守冢

一戶列荷前例幣之數延喜式基經在職續密

祇畏恭事神明每遇災異屢乞歸政不被俞

允則側身修職思答天譴清和朝總攬萬機

務在濟益吏稱其職人賴其慶朝廷無事內

外肅然敦崇儒術釋奠之日率公卿拜先聖

使明經博士講周易三代實錄元慶中奉敕撰文

德實錄十卷本書序秋田城司良岑近貧婪誅

求無厭、蝦夷叛亂、北邊騷擾、基經憂之、薦右  
 中辨藤原保則兼出羽權守、委以閩外之任、  
 卒能討平之、然保則終不蒙賞拔、近亦無黜  
 罰、時人譏其勸懲失方、三善清行所撰基經  
 嘗侍內宴、偶著清和帝所賜御衣、時帝遜位  
 居水尾、基經因賦詩曰、醉望西山仙駕遠、微  
 臣淚落舊恩衣、聞者感嘆焉、江談基經幼時  
 從仁明帝幸芹河、帝偶遺箏爪、時扈從人衆、  
 帝察基經敏慧、召而謂曰、料唯汝能得之、可

歸而索也、基經茫然、不知所為、心誓曰、若得  
 之、則建一伽藍、果得之、以獻、帝大悅、因創極  
 樂寺、大鏡參取裏書初居枇杷第、三代實錄後往來堀河  
 院間、院二第、堀河院地勢寬敞、大饗賓宴則  
 於此、其齋戒及延親昵、則於間院、世稱堀河  
 大臣、大鏡子時平、仲平、兼平、忠平、大鏡裏書時平自  
 有傳、兼平宮內卿、善彈琵琶、世稱琵琶宮內  
 卿、尊卑分脈仲平、仁和三年、敘正五位下、累遷延  
 喜八年、任參議、十七年、為中納言、延長中、轉

大納言兼右近衛大將承平中遷兼左近衛

大將尋拜右大臣敘從二位兼藏人所別當

公卿補任七年轉左大臣大將如故天慶二年敕

許節會不就班而直昇殿聽乘輦車出入宮

門數年進正二位兼東宮傳八年薙髮改名

靜覺薨年七十一公卿略改名據補任日本紀居枇杷

第世稱枇杷大臣公卿補任大鏡雄於貨財駢列倉

庫居宅地四分之三江談鈔而資性溫雅人皆

稱之其為左大將時司天奏有星變咎在大

將右大將實賴惡而禳之或告仲平請禳仲

平曰是移咎於彼冀自免也實賴年少才高

奉朝之日尚多我老矣生無益於時死亦何

所損聞者嗟嘆余昔物語十

忠平幼聰慧基經將建極樂寺往相其地忠

平陪乘指一所曰大人欲創佛閣則莫過于

此基經視之則地形實絕勝因言曰當以是

為汝後來營構之地我業已別有所定自是

心竒之大鏡寬平中敘正五位下任侍從兼肥

後權守昌泰三年授參議奏請讓于叔父右  
 兵衛督清經因為右大辨延喜初任參議兼  
 春宮大夫左兵衛督補檢非違使別當尋敘  
 從三位任權中納言補藏人所別當兼右近  
 衛大將數年轉大納言遷兼左近衛大將十  
 四年拜右大臣公卿補任十九年賜宴其家賀壽  
 四十日本略紀延長二年敘正二位轉左大臣明  
 年兼東宮傅公卿補任初兄時平撰延喜格式未  
 及成薨忠平踵成之愚管上格十二卷式五

十卷

日本紀略延喜式

朱雀帝即位詔忠平攝行萬

機

日本紀略公卿補任

基經薨後不置攝政關白至是

以帝幼冲復置焉

神皇正統記

累表辭讓不允賜

隨身兵仗内舍人二人左右近衛各四人承

平二年敘從一位聽乘牛車出入上東門六

年拜太政大臣攝政如故

公卿補任

天慶二年准

三宮如忠仁公故事聽輦車是歲以年滿六

十敕六寺誦經禱壽太政官僚屬及延曆興

福諸寺亦為修之

日本略紀

四年罷攝政為關白

一代要記攝關傳、宣詔萬機巨細、關白太政大臣、然

後奏下、一如仁和故事、七年講疾、賜度者五

十人、公卿補任村上、帝即位、乞避職不許、本朝

文天曆三年表請致仕、九曆日遣右近衛中

將良岑義方、就第敦諭、不許、公卿補任既而

病篤、帝憂之、遣藏人頭藤原有相、賜度者五

十人、忠平謝曰、自古人臣、因病賜度、皆有功

國家者也、然亦不過一二人、臣頃年以來、屢

罹衰痾、職事廢滯、而今蒙罔極之恩、不知所

奏、又敕十六寺、諷誦禱之、九曆日病彌篤、再上表

致仕、九曆日遣右近衛中將源雅信諭之、不

許、日本紀略賜度者三十人、大赦天下、八月薨于

小一條第、九曆日本紀略小年七十、日本紀略榮華

物世稱小一條太政大臣、大鏡帝悲悼、輟朝三

日、葬法性寺、遣大納言源清蔭、中納言藤原

元方、參議源庶明、贈正一位、封信濃公、謚貞

信、敕入荷前例幣之數、日本紀略忠平寬厚慈愛、

及薨、朝野莫不惜之、榮華語與兄時平仲平竝

登袞職一閃烜赫時人謂之三平鏡大初醍醐

帝嘗召相于於宮中相太子及左右大臣相

兵視文獻太子曰容貌過美視時平曰智數

過多視道真曰未能過高皆非全福之人時

忠平在下坐相兵回覓坐中遙指點之曰神

識才貌無不協吉久奉朝家保榮貴者其惟

此人乎宇多法皇雅欽忠平風度聞相者言

益重之以子頎子女王配之古事談曰有相至自

高麗忠平與二兄見之相者所言粗與此天

曆中二子實賴師輔為左右大臣父子同時

並列三公榮貴顯達世無與比榮華忠平雅

與管原道真善及其賤問遺不絕不以時平

之故生嫌其夷曠如此愚管宅邊有宗像神

社忠平往來必下車一夕神憑曰位卑矣數

煩公敬屈實所不堪忠平為奏陞正一位鏡大

子實賴師輔師保師氏師尹尊卑分脈○按

輔為序今據實賴師輔自有傳師保從五

位下尊卑分脈師氏至正三位大納言世稱桃園

公卿補任

好和歌集日海士手古良

御鈔師

尹至左大臣正二位、薨贈正一位

公卿補任世稱

小一條左大臣

大鏡榮華物語

子濟時

藤原系圖

濟時、康保中任右中辨、補藏人頭、安和初為

右近衛中將、敘從三位、尋為右兵衛督、拜參

議、天延三年任權中納言、貞元二年代藤原

兼家、兼右近衛大將、永延正曆間任大納言、

遷兼左近衛大將、尋兼陸奥出羽按察使、至

正二位、公卿補任世稱小一條大將、大鏡公卿補任長德

元年薨、年五十五

公卿補任藤原忠輔好仰

天、濟時戲之曰、天象有何異、忠輔應聲對曰、

星犯大將、濟時惡之、無幾寢疾、遂不起、初三

條帝在儲位、將納濟時女、娥子、命下之日、濟

時、意望許、轎車詣關白、兼家言其情、兼家曰、

諾、當為卿奏請、濟時大悅、以為所請必得、拜

舞出、而輦車之命竟不下、時人呼為空拜、大

將、蓋以其庭有紅梅樹、假借嘲之、江談鈔○

音相及娥子立為皇后、追贈太政大臣、大鏡

華



語物  
 大和乎立為皇以並觀太初  
 神靈之其氣在神靈之  
 我出而擊車之命度不干和入和為空和  
 新造德懷委諸和初大和為和  
 和意則和神靈之氣在神靈之  
 和帝之謂和神靈之氣在神靈之  
 是也大和神靈之氣在神靈之  
 大和神靈之氣在神靈之  
 大日本史卷一百三十一終

